

ASTRONO.CAESAREVM

Principio itaq; bene institutum te esse oportet in supputando motu lunari ad quilibet horas. Quandoq; ergo siue interdiu siue noctu (modo Lunam videas) regionis inquire longitudinem cupis, horā aliquā tibi certam proponē, & zodiacum rectifica in die per Solem, noctu per planetam aut stellam aliquam fixam, quo sic apte composito, regulam superiorem simul cum crista versus lunam conuertere & inuenies verum gradum iuxta lineam fiduciae regulae inferioris. Verum in longitudinis gradu considerando aspectuum diuersitas, nō nihil erroris ingerere potest, quā ratione etiā in loci longitudine aberrare cōtingit. Proinde peccatum hoc, vt euitetur, 90 mus ab ascendente gradus, per enuntiatum precedens inquirendus est ante omnia, quo habito, regula ad lunam dirigenda, directa regula, si gradus lunae idē cum 90 ab ascendente est, certus es lunam omni aspectus diuersitate, quo ad longitudinem carere. Ita etiam per gradum lunae loci quoq; tui seu oppidi longitudinem cognoscere potes, si horam primo, vt nosti, requiris, horā insuper gradum competentem, meridianog; ingolstadtienſi conuenientem ex lunae theoria mutuaris. Motum tamē vnius horae ex motu Lunae diurno hic accipias oportet. Nam simul fac differentiam loci ex theoria reperti, & loci ē Torqueto sumpti, habueris, eam per horarium motum diuidis. Quod quidem productum meridiani Ingolstadtienſis & loci alterius propositi differentiam refert. Quod si locus Lunae per Torquetum inuentus maior est, locum propositum occidentaliorem Ingolstadtio esse designat, quamobrē ab Ingolstadtio demendus est. Minor Torqueti gradus eo quē theoria ostendit, locum propositum Ingolstadtio orientaliorem innuit, quare addenda ista longitudinis differentia est, vt vera loci longitudo oblata pdeat.

ENUNCIATVM VNDECIMVM

Ortum Solis & occasum, quantitatem quoq; diei & noctis inquire.



RTVM Solis agnoscere volens, regulam fiduciae in ferriorem pone super gradum Solis in supremo zodiaco, & regulam criste superiorem super lineam E. G. Dein zodiacum simul cum gr: Solis deuolue ad orientem (modo videas vt torquetum semper ex compassi regula, priusquam vt velis recte sit constitutum) & tantisper eum huc illuc verte dum filum cum massa plumbi in semicirculo super punctum P (quinnulus est gradus) deponat. Deinde vide quam horam gradus Solis Zodiaci inferioris demōstrat in aequatore, ea erit hora ortus simul & tempus seminocturnum. Complementum eius ad 12 occasum Solis simul & tempus semidiurnum, quod idem est, relinquit. Duplicato tempus semidiurnum, & habebis totius diei longitudinem, similiter tempus seminocturnum duplicatum, praebet tibi longitudinem noctis.

ENUNCIATVM XII. ET VLTIMVM

Horam occasus aut ortus stellae, & arcum illius diurnum & nocturnum inuenire.



Egulam cum sua linea fiduciae pone in zodiaco super gradum longitudinis stellae siue planetae (quamuis latitudine stellae hic parum indiges) eumq; gradū verte versus orientem tam diu, donec filum cum plumbo cadat super mediam lineam semicirculi, & sic gradus solis ubi eumq; constitit tibi monstrat horam & eius minutum, quo stella ista exoritur. Atq; cum te tempore seminocturno operare sicut superiore enuntiato edoctus es,

F I N I S.

IN HOC LIBRO CONTINENTUR
VARIAE REGVM ET PRINCIPVM
HISTORIAE, QVAE AD
HISTORIAM HUIUS
SAECULI PERTINENT.

IN INSIGNA PETRI APIANI CARMEN DIALOGICON CHRI STOPHORI STATMIONIS M. D.

Cur Apianus habet primum noua symbola Petrus,
Antea non illi munera facta domo?
Ille sui generis primum decus extitit, vnde
Nominis aeterni talia dona tulit.
Dic rogo cur Aquilam monstret? quia gessit vt illa,
Hic quoq; perpetuo cominus ire loui.
Ardua cur nubes inter volat illa? quod ille
Scurretur celsi sidera summa poli.
Cur nubes septem tantum? (michi namq; videntur
Non plures:) septem bis licet esse putes.
Est bene, sunt septem, fieri non possit Apelli
Hoc aliter, nubes exprimat ille modo.
Haec totidem caeli referunt errantia vasti
Sidera, per uigili mentes tuenda viro.
Cur capitis summum, pedis ima vertiturq; sub auro
Irradiant, reliquo corpore nigrat auis?
Ingenium quouis quod habet preciosus auro
Et mentem doctas fingere quaeq; manus.
Que duo si nusquam praesenti discere libro
Simodo cui libeat, fatq; superq; licet.
Aurea quid clypeo superaddita quare corona
Vult sibi? Dicteum est regia stella decus.
Haec etenim velut ornato stat gloria caelo,
Sic caeli docto vult decus esse viro.
Conueniunt certe studiis insignia summis
Summa: nec a genio sunt ea dona leui.
Autor honoris quis? deus est. Deus ille quis oro?
Quintus Rhomano Carolus Orbe potens.
Vnum mens recte praesagii: sed mihi dicas,
Cur nam tereno des homini esse deos?
Quid vetat assimiles rerum vel dicere cōdem,
Cum praeter loca nil separet hosce duos.
Hic regit altra potens, hic terrae cuncta gubernat,
Illum sceptrum canunt, sceptrum loquuntur eum,
Ambo nonne vides Aquilae velut altis arma
Et caelo & mundo clara subinde vehant?
Hinc adeo vere similes dicuntur vtriq;
Iuppiter ille poli, Iuppiter ille folii.

De Aquila P. Apiani a diuo Caesare Carolo Quinto pro insigni
gentilicio eidem collata M. Symonis Minerui
decastichon.

Cur Apianae Iouiales gentis imago est?
Ab Ioue q; cum Aquila multa Apianus habet,
Fulminis illa instat cursum sub nubila condit,
Ille celer penetrat nubila & astra polos.
Aduerſis Solem radiis haec cernit, at ille
In Sole & caelo lumina fixa tenet.
Fert volucrum primas super astra ministra tonantis,
Astricolum nulli Petre secundus eras,
Quam bene conueniunt data Caesare symbola rebus,
Caesaris i genio numen inesse nega.

IN INSIGNIA P. APIANI, MATHEMATICI Ingolstadtienſis, Marcus Tarius.

Iuppiter ortus erat, Graecaeq; abductus in Idam
Proliuori dederat Patris ab aure fugam.
Dumq; ferit clypeos, atq; aera sonantia Gallus,
Tutus inaudito quo flet ore Puer.
Ecce pii sonitu Beneuizi excita canoro
Aduolat, Atq; Ioui mella ministrat Apis.
Postquam igitur Patrem regno excussisset auito,
Talia rex victor Iuppiter orſus ait.
Lactis Amalthaeae ac Beneuizi munere mellis
Coelis potens factus, praemium vtriq; dabo.
Altera sydus eris; spectator syderis alter
Gaudet Astra animo supposituisse suo.
Tantus apud Latias mutato nomine gentes,
Qui Beneuizus erat, post Apianus erit.
Vtq; mens sublime volans in nubibus Ales,
Solare aduerso respicit ore iubar.
Tali Apianus idem speculabitur Aetheris vultu,
Coelitesq; suo numine pandet opes.
Hinc diuina sua, ferat hinc Insignia ab arte,
Extensamq; Aquilam, Nubiagolq; sinus.
Errones septem septena volumina Nubis,
Meq; Aquila auctorem denotet ipsa Iouem.
Lapsaq; Rhomanus post plurima saecula Caesar
Iusserit haec Quintus Carolus esse rata.

